


VÉKSINE JAN ÓKKOLORE BASA

Véksine añárare sehétmon rake ar jan ókkol basa.

Amerikat baaz woktot, véksin maríbar sóbut lazem oítfare. Mesal hísafe, oñne zehon oñnor baiccare eskulot defeçaíba. Yá kessú job adde imígreconor dorhás ólla.




Véksine soledde cot cot bosor oíye. Véksine añárare boút hótornak bíaramottú héfazot gore zeneki lúti uça, polio, flu thándhi, KÓVIDH 19, aro boút kessú.


Véksine élafor oínno zehonó cízottuwaro beci manúíc ókkolore basaíye.

Véksin kengori ham gore?


Véksin ókkol maháfuz ar íine bíaramottú héfazot goré. Íine fukóre zeneki bekteríya arde oínno zehonó vaíres sinibolla oñnor jisímor defaíyi takotore toíyar gore.

Véksine oíbode infekcanore kengori mukabela goribo jisímore oñnore fuké bíaraimma banaíbar age cíkaibo. Uggwa baicca zengori lekafora cíke hengori fottí véksinor zoriya jisímor defaíyi takot yo bíaromor baabote tofsil cíke arde monot rake.





Véksinor thaím, hoóbar, dhuz alog alog oó. Mesal hísafe, kessú véksin maincottú gura yá baícça taíte lowá fore. Ar hodin véksin lowá fore zehon oñne balek oíba, bura oíba yá hamel oíba.



Kessú véksin cúde ekbar lowá fore. Abbar arek dhoílla hodin ase zin fottí bosorot lowá fore zenneki flu'r thíka.

Honó haás zagat zaite oñnolla véksin taitfare.

Véksin baabote zanibolla hono súwal ase ne?

Oñnor sehétor dekbal goroyiatto súwal goro. Oñnottú arde oñnor fémlittú hon véksin laibo iyan iítara bála mocóra dífaribo.



Monot raikkó: Véksin maháfuz, asor gore ar jan basa. Boút kowme véksinore samnor acá hísafe deke. Añárare arde añárar adoijja ókkolore basaibar behétor torika oilde véksin. Oñnor dhakthor loí Aíjja hotá hoó.